



UNIVERSITÄTS-
BIBLIOTHEK
PADERBORN

Universitätsbibliothek Paderborn

Originvm Monasticarvm Libri IV.

Le Mire, Aubert

Coloniae Agrippinae, 1620

Cap. XIX. Ordo seruorum B. Mariæ in Gallia anno 1257. institutus, &
abrogatus in Synodo Lugdunensi, sub Gregorio X.

urn:nbn:de:hbz:466:1-11249

CAPVT XIX.

*Ordo Seruorum B. Mariæ, in Gallia anno
1257. institutus, & abrogatus in
Synodo Lugdunensi, sub
Gregorio X.*

ORDO SERUORUM B. MARIÆ, in diœcesi Massiliensi institutus, & sub regula S. Augustini anno 1257. est confirmatus per Benedictum Episcopum Massiliensem, mandante Alexandro IV. Papa. Fuit is Ordo alias ab eo, quem in Etruria Italiam prouinciam per B. Bonfilium, & alios sex ciues Florentinos excitatum, suprà cap. 16. diximus. Nam Seruitæ Itali vestem nigrā iam inde ab initio ordinis gestant: Seruitæ verò Galli vestem seu chlamydem albam olim gestare solent. Hinc Monasterium Guilielmitarum Parisiensium, quod olim fuit ordinis Gallicani Seruitarum (vt infrà docebimus) hodieque *Alborum Mantellorum* nomen retinet.

Vt autem constet omnibus, vbi & quando Seruitæ Gallicani originem sumpserint, habet istud Clementis IV. diploma:

Clemens Episcopus, seruus seruorum Dei, dilectus filijs Priori, & fratribus B. Mariæ de Areno, seruus B. Mariæ matris Christi vulgariter appellatis, ordinis S. Augustini, Massiliensis diœcesis, sicutem & Apostolicam benedictionem, Cùm à nobis petitur,

petitur, quod iustum est & honestum, tam vigor aequitatis quam ordo exigit rationis, ut id per solicitudinem officij nostri ad debitum perducatur effectum. Sanè petitio vestra nobis exhibita continebat, quod cum felicis recordationis Alexander Papa predecessor noster dudum venerabili fratri nostro Massiliensi Episcopo suis dedisset litteris in mandatis, ut vobis, qui eratis nouella plantatio, nec tunc astricti obseruantiae alicui regulari, auctoritate ipsius predecessoris concederet aliquem de ordinibus approbatis, idē Episcopus ordinē B. Augustini cōcessit vobis, prout in literis inde concessis, sigillatis sigillo ipsius Episcopi, plenius continetur. Nos igitur vestris supplicationibus inclinati, quod à Prædicto Episcopo super hoc prouidè factū est, ratū & firmā habentes, id ad instar eiusdem predecessoris nostri, auctoritate Apostolica confirmamus, & praesentis scripti patrocino cōmunitus, tenorem litterarum ipsarum ipsius Episcopi de verbo ad verbū praesentibus inserifacientes, qui talis est:

Vniuersis, ad quos praesentes litteræ peruenierint, Benedictus Dei gratia Massiliensis Episcopus salutem in Domino Iesu Christo. Literas Domini Papa recepimus sub hac forma:

Alexander Episcopus seruus seruorum Dei venerabili fratri Episcopo Massiliensi salutem, & Apostolicam benedictionem. Pīs propositis, & honestis desiderijs, & his præcipue, per quae salus & profectus prouenit animarum, annuere Sedis Apostolica benignitas tantò libentius consueuit, quantò ipsarū lucrū est omni thesauro fructuosius & pretiosius re-

qua-

quacumq_z. Cūm igitur dilecti filij Prior & frates
B. Mariae de Areno, Massiliensis dioecesis, qui vulgariter nuncupantur Serui Sanctæ Mariæ Matris Christi, sicut nobis significare curarunt, huius mundi vanitatibus, pompa & gloria derelictis, sub iugo regularis obedientia suo desiderent obsequi Creatori: nos ipsorum huiusmodi propositum, & desiderium multipliciter commendantes, ac annuentes, fauorabiliter ipsorum precibus pietate non vacuis, & continentibus honestatem, fraternitati tuae per Apostolica scripta mandamus, quatenus dictis Priori & fratribus auctoritate nostra concedas vna de regulis approbatis, vt sub ipsius obseruantia perpetuis temporibus dignum præstent obsequium, suorum vitulos offerant labiorum, & acceptabile impendant sacrificium Deo Patri. Datum Viterbij VI.
Kal. Octobris, Pontificatus nostri anno tertio.

Huius igitur auctoritate mandati, ad honorem Dei omnipotentis, & gloriose Virginis Mariæ matris Christi, Priori, & fratribus B. Mariae de Areno, Massiliensis dioecesis, qui vulgariter nuncupantur Serui sanctæ Mariæ matris Christi, auctoritate Apostolica concedimus regulam B. Augustini, vt sub ipsius obseruantia perpetuis temporibus dignū præstent obsequiū Deo Patri. In cuius rei memoriā presentem paginam sigilli nostri munimine fecimus roborari. Datum pridie Nonas Ianuarij, anno Domini millesimo ducētesimo quinquagesimo septimo. Nulli ergo omnino hominum liceat hanc paginā confirmationis infringere, vel ei ausu temerario cōtraire.

Si

Si quis autem hoc attentare præsumperit, indignationem omnipotentis Dei, & beatorum Petri & Pauli Apostolorum eius se nouerit incursum. Datum Viterby 111. Idus Maij; Pontificatus nostri anno secundo.

Hoc diploma Clementis I V. cū alijs adiūtis, primus publicauit Sampson Haius lib. de veritate vitæ, & ordinis S. Guilielmi, Parisijs anno 1588. edito.

Ceterū huius ordinis Seruitæ olim Parisijs monasterium habuerunt anno 1258. aedificatum: quod postea, Ordine isto, in Synodo Lugdunensi sub Gregorio X. Papa abrogato, traditum est Guilielmitis, anno 1297. Bonifacio VIII. & Philippo Pulchro Rege, atque id etiamnum possident.

CAPVT XX.

Ordo Eremitarum S. Pauli.

PAULVS Eremitarum auctor, & magister, apud inferiorem Thebaidem natus, cum quindecim esset annorum, orbatus parentibus est: qui postea declinandæ causa persecutionis Decij & Valeriani, & Deo liberius inseruendi, in eremi speluncam se contulit: ubi palma ei victum & vestitum præbente, vixit ad centesimum & decimum tertium annum; quo tempore ab Antonio nonagenario, Dei admonitu, inuisitur: Quibus inter se, cū